



閩範圖說

14
514
13

三



44
514
13



呂新吾先生閩範圖說卷之三

善行

婦人之道

婦人者。伏於人者也。溫柔卑順。乃事人之性情。純一
堅貞。則持身之節操。至於四德。尤所當知。婦德尚靜
正。婦言尚簡婉。婦功尚周慎。婦容尚閑雅。四德備。雖
才拙性愚。家貧貌陋。不能累其賢。四德亾。雖奇能異
慧。貴女芳姿。不能掩其惡。今采古人之賢者。分為八
類。得六十一人。

一兼德婦人備有衆善。一長不足以盡之也。故列諸首凡五人。

剪德馬后 魯季敬姜 晉羊叔姬 樂羊子妻

張氏求夫

二孝婦萬善百行。惟孝為尊。故孝婦先焉。凡五人。

陳寡孝姑 唐氏乳姑 龐氏感泉 趙氏感火

俞新之妻

三死節之婦。身常凶變。欲求生必至失身。非捐軀不能遂志。死乎不得不死。雖孔孟亦如是而已。惟越姬可

以不死而以死明信。以正成死。所以媿狗情苟死者也。凡十三人。

楚昭越姬 杞梁之妻 皇甫規妻 荀采歸陰

京婦代夫 周廻之妻 梁氏重生 譚氏八軀

撒合輦妻 潘氏投火 趙運使妾 善歌婦人

翠哥代死

四守節之婦。視死者之難。不啻千百。而無子女之守。為尤難。余列之死者之後。愍死者之不幸也。天地常經。古今中道。惟守為正。余甚重之。凡十人。

共世子妻 衛宣夫人 梁寡割鼻 令文毀形

行義桓婆 房氏截耳 李氏斷臂 王氏毀容

李氏恨夢 江文鑄妻

五賢婦。愛夫以正者也。成其德。濟其業。恤其患難。皆正之謂也。凡八人。

晉文齊姜 晉伯宗妻 齊相御妻 陶答子妻

蓋將之妻 高獻之妻 晉弓工妻 漢馮昭儀

六守禮之婦。謹勅身心。慎修名節。一言一動。必合於禮。而不苟。凡五人。

楚昭貞姜 宋恭伯姬 齊孝孟姬 荆信公主

韓氏家法


七明達之婦。見理真切。論事精詳。有獨得之識。有濟變之才。亦婦人之所難也。凡十人。

齊桓衛姬 晉園懷羸 楚野辯女 齊女徐吾

狄仁傑姨 符承祖姨 徐氏誅媽 魯婦守砦

余洪敬妻 淮帥僕妻

八文學之婦。文學之婦。史傳所載。班班膾炙人口。然大節有虧。則衆長難掩。無論蔡文姬。李易安。朱淑貞輩。



卽回文絕技。詠雪高才。過而知悔。德尚及人。余且不錄焉。他可知矣。然亦有貞女節婦。詩文不錄者。彼固不以文學重也。凡五人。

- 班氏婕妤
- 班氏惠姬
- 徐妃疏諫
- 秦宣文君
- 管仲妾媵

婦人之道

明德馬后

明帝后馬氏。伏波將軍援之女也。能誦易。善讀春秋楚辭。尤善周官。初為貴人。後正位中宮。謙抑節儉。不私所親。肅宗即位。欲封諸舅。太后不聽。明年夏大旱。言事者以為不封外戚之故。太后乃下詔曰。凡言事者。皆欲媚朕以希恩耳。昔王氏同日五侯。其時黃霧四塞。不聞澍音住雨之應。田竇田蚡竇嬰貴寵橫恣。傾覆之禍。為世所傳。故先帝慎防舅氏。不令在樞機之位。諸子之封。裁同令半楚淮揚諸國。嘗

謂我子不得與先帝子等。今有司奈何欲以馬氏比陰氏

乎。吾為天下母。而身服大練。粗熟食不求甘。左右但着布

帛。無香薰之飾者。欲以身率下也。以為外親見之。當傷心

自勅。但笑言太后素好儉。前過濯龍門上。見外家馬氏問起

居者。車如流水。馬如游龍。蒼頭衣綠襦。音溝領袖正白。顧


視御者。馬后侍從不及遠甚。故不加譴怒。但絕歲用而已。冀以

默魏其心。而猶懈怠無憂恐心。知臣莫若君。况親屬乎。吾

豈可上負先帝之命。下虧先人之德。重襲西京敢亾之禍

哉。帝省詔。悲嘆。

呂氏曰。士庶人女。莫不私其所親。况太后耶。明德懲田
實五王之橫。裁抑外家。不令封侯。身為天下母。而衣大
練之衣。無三味之膳。敦節儉以為天下先。非甚盛德。何
能割恩任怨。約已率人。若此哉。吾首錄之以為婦道倡。



魯季敬姜

敬姜者魯大夫穆伯之妻。文伯之母。季康子之從祖叔母也。博達知禮。穆伯先死。敬姜守志。文伯出學而還。敬姜側目盼之。見其友上堂而從後降階而却行。奉劍而正履。若事父兄。文伯自以為成人矣。敬姜召而數之曰。昔者桓公坐友三人。諫臣五人。日舉過者三十人。故能成霸業。周公一食三吐哺。一沐三握髮。所執費而見於窮閭隘巷者七十餘人。故能存周室。今子年少位卑。而所與遊皆為服役。子之不益亦已明矣。文伯謝罪。乃擇嚴師賢友而事之。文

伯相魯。退朝。敬姜方績。文伯曰。以歎。

音出文伯名

之家而主。

大夫

之妻猶績懼于季孫之怒。其以歎為不能事主乎。敬姜歎

曰。魯其亾乎。使僮子備官而未之間耶。君吾語女。昔聖王

之於民也。擇瘠音土而處之。勞而用之。故長王天下。夫民

勞則思。思則善心生。逸則淫。淫則忘善。忘善則惡心生。沃

音土之民不材。淫也。瘠土之民向義。勞也。是故天子公侯

王后夫人莫不旦暮憂勤。各修其職業。省文。今我寡也。爾又



在下位。朝夕虔事。猶恐忘先人之業。况敢怠耶。文伯卒。敬

姜戒其妻妾曰。吾聞之。好內女死之。好外士死之。今吾子

天死吾惡其以好內聞也。二三婦母瘠面，母揮涕，母陷膚。
極胸母憂容，有降服，母加服。從禮而行，是昭吾子敬姜之處
喪也。朝哭穆伯，暮哭文伯，仲尼聞之，曰：季氏之婦，可謂知
禮矣。敬姜嘗如季氏，康子與之言朝，不應，從之及寢門，不
應而入。康子再拜曰：肥康子也不得聞命，無乃罪耶？敬姜
曰：天子諸侯，合民事於內朝，自卿大夫以下，合官職於外
朝，合家事於內朝，寢門之內，婦人治其職焉。上下同之。夫
外朝子將業官職，內朝子將庀音敝家政，皆非吾所當言。
又何應焉？康子嘗至，敬姜闔音委門而與之言，不踰闔。音

門仲尼謂敬姜別於男女之禮矣

呂氏曰：敬姜之內教備矣，無一而不善，可為婦人持身
之法。



晉羊叔姬

叔姬者羊舌子之妻。叔向名勝叔魚名鮒之母也。羊舌子好正，不容於晉，去而之三室之邑。三室邑人相與攘羊而遺之。羊舌子不受。叔姬曰：夫子居晉不容，去之三室之邑，又不容，不如受。羊舌子受之，曰：為盼與鮒享之。叔姬曰：不可。南方有鳥，名曰乾吉，食其子不擇肉，子常不義，今盼與鮒童子也，隨大人而化，不可食以不義之肉，不若埋之。於是乃盛以甕，埋壚音窳也。陰後二年，攘羊之事發，吏至，羊舌子曰：吾受之不敢食也，發而視之，羊舌尚存。吏曰：君子哉，羊舌子。

不與攘羊之事矣。申臣氏之女美，夏姬生也。叔向欲娶之。叔姬曰：子靈音巫之妻殺三大夫一君一子而亾一國，兩卿矣。且吾聞之，有奇福者必有奇禍，有甚美者必有甚惡，是鄭穆少妃姚姓之子，子黎之妹也。子黎早死無後，而天鍾愛於是人，將必大有敗也已。昔有仍氏生女，髮黑而甚美，光可鑑照人，名曰玄妻，樂正夔娶之。生伯封，實有豕心，忿戾無期，貪婪音蘭無厭，謂之封豕，有窮后羿音異滅之。夔用不祀，且三代之亾，共太子之廢，皆是物也。汝何以為哉？夫尤物足以移人，苟非德義，則必有禍。叔向懼不敢娶，平公強

使娶之。生楊食我。叔姬在視之。聞其號音毫也而還曰。豺狼之聲也。狼子野心。滅羊舌氏必矣。遂不見。及長。與祁勝為亂。晉人殺食我。羊舌氏以內。叔魚之生也。叔姬曰。是虎目而豕喙。音惠焉。肩而牛腹。貉祭可盈。是不可饜也。必以賂死。長為國贄。邢侯與雍子爭田。雍子入其女於叔魚。以求直。邢侯殺叔魚。與雍子於朝。韓宣子患之。叔向曰。三姦同罪。請殺其生者而戮其死者。乃殺邢侯而尸叔魚雍子於市。

呂氏曰。叔姬之識卓乎不可及矣。受盜遺懼禍也。不以

食子。教義也。埋之以甕。懷刑也。懲夏姬之女。知不善之餘殃也。甚美必有甚惡。明氣化之無全盛也。惟是叔魚食我之前知。則不可解矣。豈善惡前定於聲容。教化不能轉移耶。



Figure 1

Figure 2

Figure 3

Figure 4

Figure 5

Figure 6

Figure 7

Figure 8

Figure 9

Figure 10

Figure 11

Figure 12

Figure 13

Figure 14

Figure 15

Figure 16

Figure 17

Figure 18

Figure 19

Figure 20

Figure 21

Figure 22

Figure 23

Figure 24

Figure 25

Figure 26

Figure 27

Figure 28

Figure 29

Figure 30

Figure 31

Figure 32

Figure 33

Figure 34

Figure 35

Figure 36

Figure 37

Figure 38

Figure 39

Figure 40

Figure 41

Figure 42

Figure 43

Figure 44

Figure 45

Figure 46

Figure 47

Figure 48

Figure 49

Figure 50

Figure 51

Figure 52

Figure 53

Figure 54

Figure 55

Figure 56

Figure 57

Figure 58

Figure 59

Figure 60

Figure 61

Figure 62

Figure 63

Figure 64

Figure 65

Figure 66

Figure 67

Figure 68

Figure 69

Figure 70

Figure 71

Figure 72

Figure 73

Figure 74

Figure 75

Figure 76

Figure 77

Figure 78

Figure 79

Figure 80

Figure 81

Figure 82

Figure 83

Figure 84

Figure 85

Figure 86

Figure 87

Figure 88

Figure 89

Figure 90

Figure 91

Figure 92

Figure 93

Figure 94

Figure 95

Figure 96

Figure 97

Figure 98

Figure 99



Figure 100

樂羊子妻

樂羊子妻不知何氏女。羊子嘗行路得遺金一餅。與其妻。妻曰。妾聞志士不飲盜泉之水。廉者不受嗟來之食。况拾金以汚其行乎。羊子大慙。乃拾於野。嘗遠等師。學一年來歸。妻跪問故。羊子曰。久行懷思。無他意也。妻乃引刀就機而言曰。此織生自蠶繭。成於機杼。一絲之累。以至於寸。累寸不已。遂成丈匹。今若斷斯織也。則拾成功廢。時月夫子積學。當日有成。若中道而歸。何異斷斯織乎。羊子感其言。還就學。七年不反。妻躬勤養姑。又遠饋羊子。俾之卒業。嘗

有盜入其家。欲犯之。不得。乃劫其姑。妻聞。操刀而出。盜曰。速從我。不從。我殺汝姑。妻仰天慟哭。舉刀刎頸而死。盜大慙。舍其姑而去。太守聞之。賜錢帛。以禮葬之。號曰貞義。

呂氏曰。賢哉樂羊子之妻乎。遺金不受。臨財之義也。樂守寂寥。愛夫之正也。甘心自殺。處變之權也。值此節孝難全之會。一死之外。無他圖矣。史逸其名。惜哉。




張氏求夫

李五妻張氏。濟南鄒平縣人。年十八。夫戍福建之福寧州。死於戍。時舅姑老家貧無子。張蠶績以爲養。及舅姑歿。張歎曰。夫死數千里外。不能歸骨以葬者。以舅姑無依。不能遠離也。今大事盡矣。而夫骨終棄遠土。妾何以生。乃臥積冰上。誓曰。使妾若能歸夫骨以葬。卽幸不凍死。臥月餘。不死。鄉人異之。乃相率贈以錢糧。大書其事于衣。以行。由鄒平至福寧。五千餘里。不四十日而至。其姪補戍在焉。張氏見之。問夫葬處。已忘之矣。張哀號欲絕。怒其夫降神。道剝

及死狀。且指骨所張如膏求之。果得以歸。有司上其事旌表焉。


呂氏曰。張氏孝節。可謂審於先後矣。夫死而舅姑無依。則我身重於夫。故代夫爲子。而夫死若忘舅姑死。而夫爲客鬼。則夫身重於我。故忍死問關。而夫屍竟得。孰謂貧婦而有斯人。



同治元年

卷之三

十六





同治元年

陳寡孝姑

孝婦者。陳之少寡婦也。甫嫁而夫當戍。將行。屬孝婦曰。我生死未可知。幸有老母。無他兄弟。備養吾不還。汝肯養吾母乎。婦應曰。諾。夫果死。不還。婦無子。養姑。慈愛愈固。紡績以爲業。終無嫁意。居喪三年。其母將取而嫁之。孝婦曰。妾聞信者。人之幹也。義者行之節也。妾始嫁時。受嚴命而事夫。夫行。屬妾以母。妾既諾之矣。受人之托。豈可棄哉。棄托不信。背死不義。母百計勸之。孝婦曰。所貴乎人。貴其行也。生子而娶之。婦非以托此身乎。姑老矣。夫不幸。不得終爲

子。而妾又棄之。是負夫之心。而傷妾之行也。行之不修。將何以立於世。欲自殺。父母懼而從之。養姑二十八年。姑死。終身祭祀。淮陽太守以聞。漢文帝高其義。賜黃金四十斤。復其家。號曰孝婦。

呂氏曰。孝婦夫亡時。年甫十八耳。別時一諾。持以終身。既守婦節。又盡子道。艱苦幾經。不二其心。設非孝婦母也。不爲溝壑之枯骨乎。古孤子不從軍。文帝漢英君也。仁心宜無不及。而絕人之嗣。寡人之妻。獨人之母。爲勾踐所悲。豈非德政之累哉。盛世之民。何其幸與。



唐氏乳姑

唐夫人者中書侍郎崔遠之祖母也夫人事姑孝姑長孫夫人年高無齒唐夫人每旦拜於階下卽升堂乳其姑長孫夫人不粒食數年而康寧一日疾病長幼咸集宣言無以報新婦恩願新婦有子有孫皆得如新婦孝敬則崔氏之門安得不昌大乎

呂氏曰婦事姑菽水時供不失婦道卽以孝稱者曰竭甘旨極意承歡母不能食亦付之無可奈何耳唐夫人事姑乃奪子之乳以乳之非真心至愛出於自然何能

思及此哉。定故有孝親之心不隱無事親之法



龐氏感泉

廣漢姜詩事母至孝。妻龐氏奉順尤篤。母好飲江水。去舍六七里。其妻取水值風。還不及時。母渴。詩怒而遣之。妻寄止隣舍。晝夜紡績。市珍羞。因隣母以達於姑。久之。姑惟問隣母具對。姑感慚。還之恩。養愈謹。其子因遠波溺死。妻恐姑哀傷。託以遠學不在。姑嗜鱸。又不能獨食。夫婦常力作。供鱸。呼隣母共之。舍側忽湧泉。味如江水。每日躍出。鱧魚一雙。常供二母之膳。赤眉賊經詩里。弛兵而過。曰。驚大孝。必觸鬼神。其孝感如此。

呂氏曰。孝子之事親也。養口體易。養心志難。順一時易。順終身難。事慈親易。事嚴親難。龐氏小過被逐。怨懟不生。而托隣母以致養。力作求鱸。不惟供母。又養隣母。以陪懼。孝無以加矣。余非人子耶。余甚媿之。安得起九泉人。復伸姜孝子一日之心耶。



卷之三

三


皇朝圖志

Faded vertical text columns, likely bleed-through from the reverse side of the page.

趙婦感火

趙孝婦。早寡家貧。為人織紝。得美食。必持歸奉姑。自啜粗糲。音臘嘗念姑老。後事無資。乃鬻次子於富家。得錢百緡。買木治棺。棺成。南鄰失火。順風而北。勢迫矣。孝婦亟扶姑出。而棺重不可移。乃伏棺大哭曰。吾賣兒得棺。無能為我救者。天乎。天乎。言畢。火越而北。人以為孝感所致。

呂氏曰。孰謂回祿無知哉。止火即異。越孝婦而北。不尤異乎。至誠而不動者。未之有也。




俞新之妻

俞新之妻。紹興人。聞氏女也。新歿。聞尚幼。父母慮其不能守。欲更嫁之。聞哭曰。一身二夫。烈婦所耻。妾可無生。可無耻乎。且姑老子幼。妾去當誰依也。卽斷髮自誓。父母知其志篤。乃不忍強。姑久病風。失明。聞手滌溷音混穢。時漱口。上堂。祇音是其目。目為復明。及姑卒。家貧無資。與子親負土葬之。朝夕悲號。聞者慘惻。

呂氏曰。未有貞妻不為孝婦者。聞氏事姑。至砥目復明。非至孝感通。孰謂古能愈目哉。乃有欺其不見。而以糟


具食者



卷之二

卷之二

三



卷之二

三

韓太初妻

韓太初妻劉氏新樂人太初仕元為顯官洪武七年家徙

和州劉氏奉姑寧氏以行至南宮姑仆音付地傷腰劉氏

禱天刺音臂血和藥以進遂愈至瓜洲姑復病再進再愈

至和州一年姑患風疾不能起便音尿解音尿劉氏親手扶

拭音失時盛暑劉氏日夜揮逐蚊蠅蛆音取生枕席劉氏

嚙音之蛆不復生姑病等愈一日姑忽病危嚙劉氏手

指意欲承訣音死劉氏不惜刺指血和湯以進姑病驟愈

越月而卒五年未得歸葬劉氏哀傷如一日



呂氏曰子婦事親無過分之專至於割股刺臂嚙蛆嘗

糞皆一念迫切至情足以動天地感神明然而聖賢未

嘗為者何道不出於中庸在人子自盡則可以之示訓

則不可也若劉氏者純孝不可及矣吾錄之以媿世之

薄於舅姑者




晉文齊姜

齊姜。齊桓公之宗女。晉文公之夫人也。初文公與舅犯出奔。適齊。齊桓公以宗女妻之。遇之甚善。有馬二十乘。文公安之。曰。人生安樂而已。誰知其他。子犯知文公之安齊也。欲行而患之。與從者謀於桑下。豔妾在焉。告姜氏。姜氏殺之。言於公子曰。從者將以子行。其聞者吾殺之矣。公子必從。不可以貳。自子去晉。晉無寧歲。天未亾晉。有晉國者非子而誰。子其勉之。上帝臨子。貳必有咎。公子曰。吾不動。必死於此矣。姜曰。不可。周詩曰。莘莘征夫。每懷靡及。夙夜征

行。猶恐不及。况於懷安。將何及矣。人不求及。其能及乎。公子不聽。姜與舅犯謀。醉載之以行。酒醒。公子以戈逐舅犯。曰。事有濟。則可。不濟。吾食舅氏之肉。豈有饜哉。遂行。秦穆公乃以兵內之於晉。晉人殺懷公而立之。是爲文公。迎齊姜以爲夫人。遂霸天下。

呂氏曰。望以社稷之重。遂忘衽席之私。姜氏賢乎哉。晉文公媿之矣。





[The text on this page is extremely faint and illegible due to fading and ink bleed-through from the reverse side. It appears to be organized into vertical columns within a frame.]

晉伯宗妻

晉大夫伯宗賢而好以直辯凌人。每朝其妻卽戒之曰：盜憎主人，民怨其上。夫子好直言，枉者惡之，禍必及矣。伯宗不聽。日朝以喜色歸，妻問之。伯宗曰：吾言於朝，諸大夫皆謂我智似陽子。妻曰：實穀不華，至言不飾。陽子華而飾，今爲覆車，子何喜焉？伯宗曰：吾欲飲諸大夫酒而與之語，爾試聽之。於是爲大會，與諸大夫飲。既飲而問妻曰：何若？謙優對曰：諸大夫莫子若也。然民不戴，上久矣。難必及子。於我子盍結賢大夫以託州黎。伯宗之子伯宗曰：諾。乃得畢羊而交之。及樂不思之難，卻害伯宗，請而殺之。畢羊乃送州犁於荆，遂得免焉。

呂氏曰：邦無道，危行言遜，邦無道，免於刑戮，哲矣哉！仲尼之言也。醜詆直折，自是非人，卽治朝且不容，况亂世乎。故美德以誠直爲難，而得禍惟誠直爲烈。誠而明，庶幾免矣。余弗鑒於伯宗，余竊憂之。




Vertical columns of text on the right page, which are mostly illegible due to fading and the dark, obscured area to their left. The text is arranged in several columns, typical of a traditional Chinese book layout.

齊相御妻

晏子將出。有一僕爲之御。擁大蓋。策駟馬。甚自得也。僕歸。其妻怒曰。宜矣。子之卑且賤也。晏子長不滿三尺。身相齊國。名顯諸侯。吾從門間。觀其志氣。恂恂自下。思念深矣。今子身長八尺。爲之僕御。乃洋洋自滿。妾甚羞之。其夫謝。請改妻曰。子果改圖。是懷晏子之智。而加以八尺之長也。夫躬仁義。事明主。其名必揚矣。夫乃深自謙遜。善若不足。晏子惟而問之。具以實對。於是晏子言諸景公。以爲大夫。顯其妻以爲命婦。

呂氏曰。齊相御妻。僕人之婦也。其善觀晏子。善言德行。有士君子所不及者。彼奴顏婢膝。得之昏夜。而白晝通衢。志驕意滿。是人也。何足辱人齒頰。獨恨其妻不得見。卽見之。亦未必羞。何者。彼固無所觀而感也。三復命婦語。當亦汗顏。





陶答子妻

陶答子治陶三年。名譽不興。家富三倍。其妻數諫不從。居五年。從車百乘歸休。宗人牽牛而賀之。其妻獨抱兒泣。姑怒曰。何不祥也。婦曰。夫子能薄而官大。是謂嬰害。無功而家昌。是謂積殃。昔楚令尹子文之治國也。國富家貧。君蔽民戴。故福結於子孫。名垂於後世。今夫子不然。貪富務大。不顧後害。妾聞南山玄豹。霧隱七日而不下食。欲澤其毛以成文章也。故藏而遠害。大疑不擇食以肥其身。立而須待也。死。夫子治陶。家富國貧。上下棄之。敗亡見矣。願與少子

俱脫。姑怒逐之。處期年。答子有罪。誅。母以老得免。無所依附。婦乃歸養之。終其天年。

呂氏曰。安危利災。此舉世丈夫所聞。不獨一答子也。不意婦人。乃審於利害之機。而獨有敗亡之懼。卒如所言。吾錄之以爲仕者之戒。又以媿世之婦人。見其夫財貨盈室而心喜色動者。



Vertical columns of text, mostly obscured by the dark textured area on the left. Some faint characters are visible in the columns.

蓋將之妻

戎伐蓋音關殺其君。令於蓋群臣曰：敢有自殺者，妻子盡誅。丘子自殺，人救之，不得。既歸，其妻謂之曰：吾聞將勇而不果生，故民盡力而不畏死，是以戰勝攻取，存國安君。夫戰而無勇，非孝也；君亡不死，非忠也。今軍敗君死，子獨何生？忠孝忘於身，歸將安在？丘子曰：蓋小戎大，吾力畢能盡，固將死也，而以救免。其妻曰：前日有救，今又何也？丘子曰：吾非愛身也，戎令曰：自殺者誅及妻子。其妻曰：吾聞之王憂臣辱，王辱臣死。今君死而子在，可謂義乎？多殺士民，不

得存國而自活，可謂仁乎？憂妻子而忘仁義，背故君而事強暴，可謂忠乎？人無忠愛之心，仁義之行，可謂賢乎？周書曰：先君而後臣，先父母而後兄弟，先兄弟而後交友，先交友而後妻子，妻子私愛也。事君公義也。今子以妻子之故，失人臣之節，無事君之禮，偷生苟活，妾猶耻之，况於子乎？吾不能與子蒙耻而生焉，遂自殺。戎君賢之，祠以太牢，而以將禮葬之，賜其弟金百鎰，以為卿，而使別治蓋。

呂氏曰：慷慨殺身，此烈丈夫所難。丘子之妻，責夫不死而自殺，以先之，豈不烈哉？嗟夫！一死之輕，將何不輕？士



國朝開元

卷之二

卷之二

君子既不能以義輕身而又棄義爲此身計何顏讀此傳哉。



國朝開元

高叡之妻

高叡妻秦氏女也。叡爲趙州刺史，爲黠賊所攻，州陷。叡仰藥不死。衆昇至黠賊所，黠賊示以寶刀，異袍曰：爾欲之乎？降我，當賜爾官，不降且死。叡視秦，秦曰：君受天子恩，貴爲刺史，城不能守，乃以死報分也。卽受賊官，雖階一品，何榮之爲？自是皆瞑目不語。黠賊知不可屈，乃並殺之。

呂氏曰：高叡仰藥，固慷慨殺身之志也。及被執而迫以利害，有徘徊心焉。向非秦氏以大義決之，安知不失身二姓乎？不爲威怵，不爲利誘，此大丈夫事也。乃婦人能

之，嗚呼烈矣。




晉弓工妻

弓工妻者晉繁人之女也。平公使其夫為弓。二年乃成。公射不穿一札。一重甲衣怒將欲殺弓工。弓工妻請見曰：妾聞羊牛踐葭音葦，周王惻然痛之，恩且及草木，而况不辜無罪乎？秦穆公有盜食其駿馬者，反飲之酒，楚莊王臣有辜夫人之衣者，悉令絕纓，此三君者，仁著於天下，卒享其報，名垂至今，慎殺也。今妾之夫治此弓也，其幹生於太山之阿，一日三觀陰，三觀陽，傳以燕牛之角，纏以荆麋之筋，固以阿魚之膠，此四者，天下之妙選也。君不穿札，是君不能射耳。

而反欲殺妾之夫，不亦謬乎？妾聞左手如拊，右如附枝，右手發之，左手不知，此射之道也。君射然與，妾夫請死。平公以其言而射之，穿七札，乃出弓工，賜金三鎰。六寸兩

呂氏曰：氣與識，緩急之所賴也。弓工妻之言，弓工之所一知也。一怒奪其氣，而就死不敢言，向非其妻之明辯，何以得生，况獲賜乎？若婦人者，氣伸萬乘之上，辯屈一人之尊，豈不毅然一丈夫哉！要亦脫夫於死，真情至愛之所激也。



漢馮昭儀

馮昭儀者漢元帝之昭儀光祿勳馮奉世之女也初入宮
為婕妤生中山王建昭元帝中上幸虎圈鬪獸後宮皆從
熊走出攀檻欄欲上殿左右貴人皆驚走婕妤當熊而立
左右格殺熊天子問汝獨不畏熊耶對曰妾聞猛獸得人
而止妾恐至御坐故以身當之元帝嗟嘆以此敬重焉明
年中山王封乃立婕妤為昭儀隨王之國號中山太后

呂氏曰婦人多畏馮昭儀之當熊忠義所切遂不暇畏
耳傅后妒其獨立以形己之短成帝立以他事誣殺之


嗚呼吾欲為善而善不可為馮昭儀之謂乎



卷之三

卷之三

三




卷之三

楚昭貞姜

貞姜者齊侯女。楚昭王夫人也。王出遊留夫人漸臺之上。江水大至。王使使者迎夫人。忘持符。使者至請夫人出。夫人曰。王與宮人約。召必以符。今使者不持符。妾不敢從。使者曰。水方亟。還而取符。來無及矣。夫人曰。妾聞貞者不犯約。勇者不畏死。妾知從使者必生。然棄約越義。有死不爲也。於是使者取符。比至。臺崩。夫人溺而死焉。王哀之。號曰貞姜。

呂氏曰。貞姜可謂殺身以成信矣。待符而行。昭王之信也。無論狡僞之徒。假將王命。卽王命真耶。非其初約。卽符偶忘耶。難以信心。爲貞姜者。有死而已。斷斷乎不可行也。或曰。貞姜隨使者而來。昭王罪之與。曰。王懼其死。而方喜其來也。奚罪。雖貞姜亦信其從。召而王不罪已也。以信成君。以禮持已。故寧死而不往耳。惜哉。宋伯姬之賢。不若貞姜之合於道也。



宋恭伯姬

伯姬者魯宣公之女也。嫁於宋。宋恭公不親迎。伯姬迫於父母之命而行。三月廟見。當行夫婦之道。伯姬不聽命。宋人告魯。魯使大夫季文子如宋致命。伯姬不得已從之。嫁十年。恭公卒。景公時。夜失火。左右曰。夫人避火。伯姬曰。婦人之義。保傅不待。夜不下堂。既而保至矣。傅未至也。火迫。左右曰。夫人避火。伯姬曰。婦人之義。保傅不俱。夜不下堂。遂逮於火而死。當此之時。諸侯聞之。莫不悼痛。相與聚會於澶音澶。饋宋之所喪。

呂氏曰。伯姬守禮。重於其身矣。夫禮以守身。犯禮矣。安用身為。伯姬以恭公不親迎而不行。既行而不成。婦皆以父母之命。迫之而後從。持身不苟。可以為法矣。至於夜火延室。雖有他女同行。亦足以明心迹。處變之禮。固一自如此。姬也。待姆師而行。已為過慎。乃保至。傅未至。竟死於火。而不行焉。守禮之嚴。千古一人耳。君子哀其志。而又惜其昧通變之權也。





此圖畫之由前朝所遺
其意亦與前朝人下海無異
其意亦與前朝人下海無異
其意亦與前朝人下海無異
其意亦與前朝人下海無異
其意亦與前朝人下海無異
其意亦與前朝人下海無異
其意亦與前朝人下海無異
其意亦與前朝人下海無異
其意亦與前朝人下海無異

異國圖說

齊孝孟姬

孟姬者華氏女。齊孝公夫人也。好禮。齊中求之。禮不備。終不往。是不躡男席。詔不及戶外。遠別避嫌。過時不嫁。齊中莫能求焉。國人稱其貞。孝公聞之。乃修禮親迎。三月廟見。而後行夫婦之道。久之。公遊於琅邪。孟姬從。馬奔。姬墮而車碎。孝公使立車迎之。姬帷以自障。而使傅母應使者曰。妾聞妃后踰闕。必乘輜音駟之輶音駟。下堂則從傅母。進退則鳴玉珮。內飾則結紉繆。野處則擁帷裳。所以正心一意。自歛筋也。今立車無輶。不敢受命。野處無衛。不敢久居。失禮多矣。夫無禮而生。不若死。使者更取安車。比其反也。則自經。傅母救之。不絕。輜駟至。然後乘而歸。

呂氏曰。先王立天下之防。惟禮為峻。而禮於男女為尤峻。懼禍之所從來也。孟姬禮備而後行。廟見而成婦。露面而欲死。守禮嚴矣哉。近世婦女出門。步行既不蔽面。乘車又自舉帷。盛容飾以悅役童之目。縉紳且不知其非矣。他何望哉。




荆信公主

荆國大長公主。宋太宗女也。真宗時。下嫁駙馬都尉李遵勗。舊制。選尚者。降其父為兄弟行。時遵勗父繼昌無恙。王因繼昌生日。以舅姑禮謁之。帝聞之喜。密以縑音兼并。縑。繒也。寶帶器幣助為壽。信國長公主。宋神宗女也。崇寧三年。下嫁鄭王潘美之曾孫名意。事姑修婦道。潘故大族。夫黨數百人。賓接皆盡禮。無裏外言。志尚冲澹。服玩不為紛華。歲時簡嬉游。十年間。惟一適西池而已。

呂氏曰。婦道之哀也久矣。貴族之女。嫁賤富室之女。嫁

貧。則慢視舅姑。輕侮夫婿。舅姑夫婿。亦不敢以婦禮責之。見夫黨尊長。則倨傲輕浮。此皆無知俗女。小度痴兒。有識者為之嘆笑。而彼方志驕意得。視不知媿。則不肖父母之所驕也。今觀荆國信國兩公主。天子之女。天子之姑姊妹。而克謹婦道。如民間子。可謂千古賢人矣。吾錄之。以為挾富貴女子之勸。





皇朝圖說

韓氏家法

柳公綽妻韓氏。相國休之孫女。家法嚴肅儉約。爲縉紳家
 楷範。歸柳氏三年。無少長。未嘗見其露齒。常衣絹素。不用
 綾羅錦繡。每歸寧。不坐金碧輿。祇乘竹塹子。二青衣步履
 徐行。以隨。常命粉苦參黃連熊胆。和爲丸。賜諸子。永夜習
 學。舍之以資勤苦。

呂氏曰。相國孫女。節度使之夫人。金輿繡服。本不爲侈
 乃獨儉素自持。言笑不苟。豈惟韓氏賢。一公家法。可槩
 知矣。近世婦女。羅珠刺繡滿篋。文奩大袖長衫。覆金掩

綵。互羨爭學。日新月異。有甫成而卽毀者。無識男子。日
 悅婦人之心而不足。安望以節儉率之哉。德不如人而
 衣飾是尚。家不能治而容冶相先。皆柳夫人之罪人也。



楚昭越姬

越姬者勾踐之女。楚昭王之姬也。昭王燕遊。蔡姬在左。越姬參右。旣驩。乃問二姬曰。樂乎。蔡姬對曰。樂。王曰。吾願與子生若此。死又若此。蔡姬曰。昔敝邑寡君。不能以黎民之役事君王馬足。故以婢子之身。爲苞苴玩好。今比於妃嬪幸矣。願生俱樂。死同時。王顧謂史書之。蔡姬許從。孤廷矣。復謂越姬。越姬對曰。昔者我先君莊王。淫樂三年。不聽政事。終而能改。卒霸天下。妾以君王爲能法我先君。將改斯樂而勤於政也。今則不然而要婢子以死。其可得乎。且君

王以束帛乘馬。納婢子於敝邑。寡君受之太廟也。不約死。妾聞之諸姑。婦人以死章君。若苟從於邪。以益君之過。而笑諸侯。妾不敢聞命。於是王悟。敬越姬之言。而猶親嬖蔡姬也。居二十五年。王救陳。一姬從王病。軍中有赤雲夾日如飛鳥。王問周史。史曰。是害王身。然可移。移於將相。王曰。將相之於孤。猶股肱也。不聽。越姬曰。大哉君王之德。以是妾願從死矣。昔日之遊。淫樂也。故不敢許。今君王復於禮。國人皆將爲君王死。而况妾乎。請先驅狐狸於地下。王曰。昔之遊。樂吾戲耳。若將必死。是彰孤之不德也。越姬曰。昔

者妾雖不言心既許之矣。妾聞信者不負心。義者不虛諾。妾死王之義。不死王之好也。遂自殺。王病甚。卒薨於軍中。蔡姬竟不能死。王弟子閻與子西子期謀曰。母信者其子必仁。乃伏師閉壁。迎越姬之子熊章立。是為惠王。

呂氏曰。賢哉越姬。不可及矣。柔情厭好。生死為輕。此淫邪者之童心耳。越姬不死於情而死於義。不死於言而死於心。豈不貞信君子哉。惜也。可以無死矣。




杞梁之妻

齊莊公襲莒。杞梁死於戰。其妻迎屍。莊公將弔之。妻曰。殖
杞梁之有罪。君何辱焉。若免於罪。則有先人之敝廬在。妾
不得與於郊弔。莊公弔諸其家而去。梁家於城下。妻枕屍
哭十日。城為之崩。既葬。嘆曰。上無父母。下無子女。中無兄
弟。人生之苦。亦至是乎。吾何歸矣。乃仰天慟哭。赴淄水而
死。

呂氏曰。夫終正寢而婦自殺以殉。余不錄。錄殖之妻者
何。郊弔有辭。重節義之禮也。國俗為變。極哀痛之誠也。
自傷無依而投淄水。非世俗兒女子情矣。余哀其賢而
數奇。非以節也。臨難不奪之謂節。茹苦不變之謂節。持
一念以終身之謂節。

一合以孫良之節說

趙帝孫良以節也細微不亦之節於孫良
自節無而外流木其身骨良之千節大余孫良




皇甫規妻

皇甫規妻。不知何氏女。美姿容。能文。工書。時為規答書記。人恠其工。後乃知之。規卒。妻年方少。董卓為相。聘以輜駟百乘。馬二十匹。奴婢錢帛充路。妻乃縗服詣卓門。跪自陳請辭。甚酸愴。卓使侍者拔刀圖之。謂曰。孤之威令。四海風靡。乃不行於一婦人乎。妻知不免。乃起罵卓曰。君羞胡之種。毒害天下。猶未足耶。妾先人清德奕世。皇甫氏文武上才。為國忠臣。君其趣與趣走吏。敢行非禮於爾君夫人耶。卓乃引車庭中。以其與趣懸輓。鞭撲交下。妻謝杖者曰。重加

之。令我速死。遂死車下。後人圖畫。號曰禮宗云。

呂氏曰。哀哉皇甫妻也。有色。有文。有行。而天不祚其身。義哉皇甫妻也。誘之以利。怵之以兵。而竟不奪其志。至於跪卓乞免。積誠意以感動之。可謂從容不迫矣。不愛死。不求死。不得已而後死。其善用死者哉。



圖說

卷之二十三



第廿三

荀氏歸陰

陰瑜妻荀氏名采。潁川爽女也。聰明有才藝。適陰氏。產一女而瑜卒。同郡郭奕喪妻。爽以采許之。因稱病。薦召采。采歸。懷刃自誓。爽令侍婢奪其刃。扶抱載之。既到郭氏。乃僞爲喜色。命女僕列侍。明燈盛飾。請爽相見。共談達曙。奕敬重之。狎昵不生。既而命左右辦浴。浴至。盡出侍者。掩戶。以彩筆書屏上曰。屍還陰氏。遂以衣帶自縊。時人傷之。

呂氏曰。采求死不得。而委曲以成仁。花燭共談。而此心不少變。可謂貞矣。吾獨惟爽爲荀氏之龍。抵死以非義。

強其女。大節如此。細行可知矣。惡得賢。



京婦代夫

京師節婦。長安大昌里人之妻也。有欲殺其夫而無因者。乃劫節婦之父。使要其女。以爲內應。父呼女告之。女念不聽。則殺父。聽之則殺夫。乃辭諾曰。明日在樓上新沐。東首臥。是吾夫也。妾請開戶待之。還家。乃告其夫。使以他所。因自沐。居樓上。東首開戶而臥。夜半。警家果至。斷頭持去。明日視之。乃大慙。痛遂釋其夫不殺。

呂氏曰。敢於劫父以要其女。此大豪也。何不公殺其夫。於白日相遇之時。得於先聞以告其夫。此洩事也。何不共逃。父夫於不可踪迹之處。嗚呼。節婦可哀也已。

